

BOSNA I HERCEGOVINA
FEDERACIJA BOSNE I HERCEGOVINE
BOSANSKO – PODRINJSKI KANTON
OPĆINA GORAŽDE

S T R A T E G I J A

ZA IZGRADNJU PARTNERSTVA I SARADNJU SA GRAĐANIMA

SADRŽAJ:

I. UVOD

- definicija Strategije za izgradnju partnerstva i saradnju sa građanima;
- definicija koncepta partnerstva;
- svrha partnerstva;
- pravni osnov za partnerstvo;
- potencijalni partneri u partnerstvu;
- institucionalizacija partnerstva;
- svrha i cilj Strategije za izgradnju partnerstva i saradnje sa građanima;
- veza Strategije za izgradnju partnerstva i saradnje sa drugim dokumentima;

.II. PROCES PARTNERSTVA SA GRAĐANIMA

- Četiri koraka partnerstva:

- 1) zajednička identifikacija problema;
- 2) zajednička izrada akcionog plana;
- 3) zajedničko sprovođenje akcionog plana;
- 4) zajednička evaluacija sprovedbe partnerske aktivnosti.

III. MEHANIZMI ZA PROCES PARTNERSTVA SA GRAĐANIMA

- mehanizmi za četiri koraka u procesu partnerstva.

IV.. PODRUČJA OTVORENA ZA PARTNERSTVO SA GRAĐANIMA

- partnerstvo u sprovođenju općinskih zadataka i odgovornosti;
- partnerstvo u uspostavljanju standarda u pružanju usluga.

V. KRITERIJI ZA POKRETANJE SPROVOĐENE I OCJENJIVAJE PARTNERSTVA IZMEĐU OPĆINSKIH ORGANA VLASTI I GRAĐANSKOG DRUŠTVA

- kriteriji za selekciju partnerskih aktivnosti;
- kriteriji za selekciju partnera;
- procedura za prijavljivanje i selekciju;
- kriteriji za partnerstvo - finansirano ili dobrovoljno;
- budžet i finansije.

VI. TIJELO ZADUŽENO ZA PARTNERSTVO SA GRAĐANIMA

- zadaci i odgovornosti tijela zaduženog za partnerstvo;
- sastav tijela zaduženog za partnerstvo.

I. UVOD

Opći okvirni sporazum za mir u BiH Aneksom 3 usmjerava OSCE da “postavi temelje predstavničkim organima vlasti i da osigura napredak u ostvarenju demokratskih ciljeva na području cijele BiH”. Misija OSCE-a ja da surađuje sa svim nivoima vlasti, kako bi bio olakšan proces tranzicije Bosne i Hercegovine u stabilnu i demokratsku državu.

U okviru ovog mandata, Odjel za demokratizaciju Misije OSCE-a usredotočuje svoje napore ka pružanju pomoći organima vlasti BiH u razvoju demokratskih struktura koje su transparentne, otvorene, i koje odgovaraju potrebama građana. Kako bi to ostvario, Odjel za demokratizaciju surađuje i s organima vlasti i sa građanima, u cilju unapređenja sveukupnog procesa reforme u BiH.

Ovo se postiže putem stvaranja okruženja pogodnog za bolju interakciju i komunikaciju između organa vlasti i građana. Odjel surađuje s organima vlasti na eliminiranju pravnih i regulatornih prepreka učešću građana u procesu donošenja odluka, i na uspostavi novih mehanizama kojim bi se potaklo učešće u donošenju odluka. Odjel također surađuje sa građanima na omogućavanju njihove komunikacije i suradnje s organima vlasti unutar procesa donošenja odluka, kao i sveukupnog procesa reformi, koji se trenutno odvija u BiH.

Unutar međunarodne zajednice, Misija OSCE-a smatra se vodećom organizacijom za promoviranje demokratskog razvoja u BiH. Ovo se odražava kroz, također, vodeću ulogu OSCE-a u pružanju pomoći lokalnim organima vlasti u reformi zakonodavnog okvira lokalne samouprave u BiH. Do sada se ona sastojala u tome da je OSCE pružao pomoć lokalnim organima vlasti na izradi novih zakona o lokalnoj samoupravi u oba entiteta (FBiH i RS), zakona koji predstavljaju opći okvir za dalju reformu. U predstojećem periodu, OSCE će pružiti pomoć lokalnim zvaničnicima da ovu reformu prošire na općinski nivo.

Lokalna uprava predstavlja važan faktor u kvalitetu života građana. Kao nivo vlasti najbliži građanima, općine imaju jedinstvenu odgovornost da budu u službi interesa građana, te da budu u interakciji i partnerstvu sa njima, u ostvarivanju napora ka poboljšanju ekonomske i socijalne stvarnosti u životu, na lokalnom nivou. U okviru svog Programa za lokalnu upravu, OSCE je predan izgradnji sposobnosti lokalnih organa vlasti da usvoje dobru demokratsku praksu djelovanja.

Projekt UGOVOR izradio je OSCE, kako bi promovirao lokalnu demokraciju putem jačanja veza između građana i općina. On se temelji na principu da efikasna lokalna uprava nalaže predanost, kako građana, tako i općine u zajedničkom radu. Ta predanost predstavlja “ugovor” (UGOVOR) u kojem općine imaju obavezu da rade sa građanima i za njih, kako bi se postigli zajednički ciljevi. Modul Partnerstvo sa građanima je dio Projekta Ugovor kojeg je izradila misija OSCE-a za Bosnu i Hercegovinu a općina Goražde se obavezala potpisivanjem Memoranduma o razunjevanju sa Odjelom za demokraciju OSCE Misije u Bosni i Hercegovini da će implementirati isti, u cilj promoviranja lokalne demokratije kroz jačanja veza između građana i općine.

Strategija za izgradnju partnerstva i saradnje sa građanima je peti modul Projekta UGOVOR i predstavlja javni dokument koji promoviše javni interes - snažniji razvoj lokalnih resursa u cilju poboljšanja kvalitete života građana i koristi za zajednicu kroz poboljšanje pružanja usluga, stvaranje dodatne vrijednosti i poboljšanje kohezije i kapaciteta zajednice.

- Definicija Strategije za izgradnju partnerstva i saradnju sa građanima:

Strategija za izgradnju partnerstva i saradnju sa građanima je osnova i mehanizam kojom se općinske vlasti obavezuju na konsultacije i stupanje u partnerstvo sa građanskim društvom u odabiru, pripremi, kreiranju i realizaciji zadataka iz oblasti općinske uprave.

Svrha strategije za izgradnju partnerstva i saradnju sa građanima je institucionalizacija partnerstva u zajednici između općinske vlasti i građanskog društva.

- Definicija koncepta partnerstva:

Partnerstvo je interakcija između lokalnih vlasti i civilnog društva koja za cilj ima zajednički angažman usmjeren na ostvarivanje zajedničkog interesa, zatim zajednički odabir, pripremu, kreiranje i realizaciju aktivnosti u oblasti rješavanja zajednički identifikovanog problema i podjelu odgovornosti.

Karakteristike partnerstva su zajednički ciljevi partnera, doprinos cjelokupnoj sprovedbi aktivnosti, podjela odgovornosti za cjelokupnu sprovedbu aktivnosti i postojanje institucionalnih mehanizama za iniciranje, implementaciju i evaluaciju partnerstva.

- Svrha partnerstva:

Svrha partnerstva je razvoj aktivnog i informisanog građanskog društva kao ravnopravnog partnera općinskim vlastima i razvoj efikasnijih, transparentnijih i odgovornijih institucija općinske vlasti prema građanskom društvu.

Motivi za partnerstvo su poboljšanje usluga, stvaranje dodatne vrijednosti, poboljšanje kvaliteta života, poboljšanje koncepta i kohezije zajednice i povećanje međusobnog povjerenja.

Ciljevi partnerstva su uvođenje koncepta partnerstva u lokalnu zajednicu, sagledavanje postojećih aktivnosti koje bi se mogle uzeti kao začetak budućih aktivnosti u partnerstvu kao i da stvori inicijalnu podršku promjenama u stavovima, postupcima i politici koje će doprinjeti da partnerstvo postane osnova na kojoj se zasnivaju odnosi između općinske vlasti i građanskog društva.

- Pravni osnov za partnerstvo:

Pravni osnov za općinsku upravu u partnerstvu sa građanima se nalazi u Evropskoj povelji o lokalnoj samoupravi, Zakonu o principima lokalne samouprave, Zakonu o javnim nabavkama, Statutu Općine Goražde i Poslovniku o radu Općinskog vijeća.

U skladu sa Evropskom poveljom o lokalnoj samoupravi (EPLSU) i Preporuka koje su potom uslijedile, zakonodavstvo u Bosni i Hercegovini obuhvata glavne principe učešća građana kroz entitetske zakone o lokalnoj samoupravi i kroz druga zakonska akta koja regulišu nadležnosti jedinica lokalne samouprave.

U **Federaciji Bosne i Hercegovine**, novi Zakon o principima lokalne samouprave obezbjeđuje osnovu za različite oblike učešća građana i razvoj partnerskog odnosa između građana i lokalnih vlasti. Prema Članu 3. tog Zakona: **”Lokalna samouprava se organizuje i vrši u općinama i gradovima kao jedinicama lokalne samouprave i sprovode je organi lokalne samouprave i građani u skladu sa Ustavom, zakonom i statutom jedinice lokalne samouprave”**. Član 39. Zakona regulira javnost rada na način koji garantuje uspostavljanje mehanizama za efektivan politički nadzor. Najvažniji propisi vezani za učešće građana su sadržani u poglavlju IX, koje reguliše direktno sudjelovanje građana u procesu donošenja odluka, te poglavlju VI, koje reguliše pitanja samouprave u zajednici.

Pravni osnov za razvoj partnerstva se može naći i u drugim zakonskim propisima. Na primjer, Zakon o javnim nabavkama BiH (Službeni glasnik BiH, 49/04) u Članu 7. obavezuje tijelo koje sprovodi proceduru nabavke da osnuje komisiju, dopuštajući osobama van ugovorene strane da budu članovi komisije. Iz tog razloga, moguće je razviti partnerski odnos sa građanima i u okviru ovog segmenta rada lokalnih vlasti.

- Potencijalni partneri u partnerstvu:

U partnerstvo kao partneri mogu biti uključeni organi općinske vlasti (Općinsko vijeće, općinska uprava, javne institucije i ustanove) i građansko društvo (mjesne zajednice, nevladine organizacije i udruženja građana) sa jasno definisanim pravima i obavezama u oblasti partnerstva.

Tipovi i oblici partnerstva mogu biti različiti, a u fokus strategije partnerstva je institucionalizacija partnerskih odnosa u zajednici između općinske vlasti i građanskog društva.

- Institucionalizacija partnerstva:

Institucionalizacija partnerstva je uređeni oblik partnerskih odnosa u zajednici između općinske vlasti i građanskog društva koji obuhvata opštepoznate, opšteprihvaćene i redovno primjenjivane oblike interakcije i ona je važna za partnerstvo zbog jasnog definisanja obaveza partnera i podjele odgovornosti u odabiru, pripremi, kreiranju i realizaciji svojih zadataka u partnerstvu, a njoj će se težiti u rješavanju pitanja od općeg interesa za građane u različitim oblastima.

- Svrha i cilj Strategije za izgradnju partnerstva i saradnje sa građanima:

Strategija za izgradnju partnerstva i saradnje sa građanima je potrebna radi jasnog definisanja zajedničkih aktivnosti na odabiru, pripremi, kreiranju i realizaciji obaveza u oblasti zajedničkog rješavanja određenih pitanja od interesa za zajednicu i građane.

Općina Goražde u izradi Strategije za izgradnju partnerstva i saradnje sa građanima važnim prepoznaje uključivanje građanskog društva u rješavanje određenih pitanja od općeg interesa za zajednicu i obavezuje se da će sve postupke odabira, pripreme, kreiranja i realizacije aktivnosti u oblastima od općeg interesa za zajednicu i građane izvršavati u partnerstvu sa građanskim društvom.

Donošenje i sprovedba Strategije za izgradnju partnerstva i saradnje sa građanima će koristiti građanima u oblasti stvaranja uslova kvalitetnijeg života, a općini u pogledu podjele odgovornosti za određena pitanja sa partnerima.

- Veza Strategije za izgradnju partnerstva i saradnje sa drugim dokumentima:

Strategija za izgradnju partnerstva i saradnje sa građanima je povezana sa drugim dokumentima u pogledu transparentnosti i javnosti rada, partnerskog učešća građanskog društva u postupcima predlaganja, odabira i odlučivanja o pitanjima i zadacima općinske uprave, a od općeg interesa za zajednicu i građane i na tim partnerskim osnovama je potrebno zasnivati sva općinska dokumenta i propise koji će se izrađivati i donositi u narednom periodu.

II. PROCES PARTNERSTVA SA GRAĐANIMA

- Četiri koraka partnerstva:

1) Zajednička identifikacija problema:

Zajednička identifikacija problema podrazumjeva koordinirane aktivnosti općinske uprave i građanskog društva na određivanju pitanja ili oblasti u zajednici kroz konsultacije, predložene inicijative s jedne i prihvaćene s druge strane i istraživanja s ciljem njihovog prepoznavanja, isticanja i rješavanja. Zajednička identifikacija je izrazito važna zbog pravilnog odabira problema, a za posljedicu ima uključenost općinske uprave i građanskog društva u njegovo prepoznavanje i podjelu odgovornosti.

2) Zajednička izrada akcionog plana:

Zajednička izrada akcionog plana podrazumjeva koordinirane aktivnosti općinske uprave i građanskog društva na konkretizaciji prijedloga i odluka s ciljem rješavanja identifikovanog problema. Zajednička izrada akcionog plana je važna zbog konkretne, kvalitetne i pravovremene pripreme rješavanja određenog pitanja i podjele odgovornosti partnera po istom.

3) Zajedničko provođenje akcionog plana:

Zajedničko provođenje akcionog plana podrazumjeva koordinirane aktivnosti općinske uprave i građanskog društva na realizaciji aktivnosti definisanih akcionim planom, a koje ne moraju podrazumjevati jednak doprinos partnera po istom. Zajedničko provođenje akcionog plana je važno zbog podjele odgovornosti za realizaciju aktivnosti i konkretnog učešća i doprinosa partnera u rješavanju pitanja od općeg interesa za građane, a taj doprinos zavisi od oblika i prirode aktivnosti koja se provodi i realizuje, njenog inteziteta i nivoa stručnosti koje njeno provođenje zahtjeva.

4) Zajednička evaluacija sprovedbe partnerske aktivnosti:

Zajednička evaluacija sprovedbe partnerske aktivnosti podrazumjeva koordinirane aktivnosti općinske uprave i građanskog društva u oblasti nadgledanja i vrednovanja sprovedene aktivnosti iz akcionog plana, istraživanja javnog mnijenja i izrade izvješća po istom. Zajednička evaluacija sprovedbe partnerske aktivnosti je važna s ciljem vrednovanja uticaja akcionog plana, poboljšanja održivosti prakse partnerstva, povećanja međusobnog povjerenja, podjele

odgovornosti partnera u realizaciji aktivnosti i promovisanja veće transparentnosti u radu općinske uprave.

III. MEHANIZMI ZA PROCES PARTNERSTVA SA GRAĐANIMA

- Mehanizmi za četiri koraka u procesu partnerstva:

- Mehanizmi koje je moguće primjenjivati u procesu zajedničke identifikacije problema su:
 - javni skupovi -javne rasprave, mjesni zborovi građana
 - građanske inicijative
 - konsultacije,
 - periodični sastanci predstavnika općinske vlasti i građana,
 - isticanja i predlaganja pisanih inicijativa građana s jedne strane, i njenog prihvatanja s druge strane,
 - istraživanja i anketiranje građana.
- Mehanizmi koje je moguće primjeniti u procesu zajedničke izradu akcionog plana su:
 - obrazovanja zajedničkih komisija ili mješovitih radnih grupa i komisija općinskog razvoja kao osnovnih tijela kompetentnih po ovom pitanju i
 - drugi obilici.
- Mehanizmi koje je moguće primjeniti u procesu zajedničke provedbe akcionog plana su:
 - angažman osoblja partnerskih strana potrebnog kapaciteta i stručnosti i
 - uključivanje spoljnih saradnika koji posjeduju potreban kapacitet i sposobnost za provedbu akcionog plana.
- Mehanizmi koje je moguće primjeniti u procesu zajedničke evaluacije sprovedbe partnerske aktivnosti su:
 - zajedničke komisije,
 - istraživanja javnog mnijenja,
 - analize i izvještavanja.

IV. PODRUČJA OTVORENA ZA PARTNERSTVO SA GRAĐANIMA

Partnerstvo između općinske uprave i građanskog društva u zajedničkoj provedbi aktivnosti u pripremi, kreiranju, odabiru i realizaciji zadataka iz oblasti općinske uprave i podjeli odgovornosti partnera po istom je moguće u više područja od općeg interesa za zajednicu i građane, a ono se dijeli na dva osnovna vida partnerstva i to:

- partnerstvo u provođenju općinskih zadataka i odgovornosti.
- partnerstvo u uspostavljanju standarda u pružanju usluga.

- Partnerstvo u okviru provođenja općinskih zadataka i odgovornosti –moguće oblasti za partnerstvo:

U okviru partnerstva u provođenju općinskih zadataka i odgovornosti između općinske uprave i građanskog društva partnerstvo je moguće primjeniti u više oblasti i to:

- ekonomski razvoj,
- demokratizacija,
- socijalna pomoć, socijalni razvoj i kultura,

- zaštita životne sredine i
- infrastruktura.

Ekonomski razvoj:

Ekonomski razvoj često zahtijeva prvenstveno pravilnu promociju, naročito kada su u pitanju ekonomske aktivnosti kao što su turizam, proizvodnja zdrave hrane, itd. Ekonomska promocija općine se sigurno može sprovesti u partnerstvu lokalnih vlasti i lokalnih NVO-a. Dodatne aktivnosti mogu da uključuju, na primjer, partnerstvo između lokalnog poslovnog udruženja i lokalnih vlasti, s ciljem povećanja kapaciteta građana da obezbijede zaposlenje (na primjer, mogućnost stažiranja) i prekvalifikacija radne snage.

Demokratizacija:

Bilo koja aktivnost koja pospješuje učešće građana, transparentnost i odgovornost lokalnih vlasti je otvorena za partnerstvo u ovoj potkategoriji. Na primjer: lokalna NVO, u skladu sa sporazumom postignutim sa lokalnim vlastima, sprovodi kampanju za povećanje učešća građana u predstojećim javnim raspravama o budžetu, promociji ZOSPI-ja, itd.

Socijalni razvoj, socijalna pomoć i kulutra:

Partnerstvo u ovoj potkategoriji bi podrazumijevalo uključivanje građana u pružanje usluga socijalno ugroženim kategorijama, koje bi, na primjer, mogle da se ogledaju kroz pomoć starim i iznemoglim osobama, djeci, povratnicima, ovisnicima, itd.

Vežano za kulturu, tema partnerstva bi mogle biti zajedničke aktivnosti građana i lokalnih vlasti u njegovanju i očuvanju kulturnog naslijeđa. Takođe, u središte pažnje se može staviti i organizovanje kulturnih manifestacija koje za cilj imaju obogaćivanje kulturnog života u zajednici.

Zaštita životna sredina:

Kroz zaštitu životne sredine mogu se sprovesti razne aktivnosti kroz partnerstvo: edukacija o zaštiti životne sredine, pošumljavanje u područjima pogođenim požarom, itd.

Infrastruktura:

Partnerstvo u izgradnji infrastrukture spada u najpoznatiji oblik partnerstva u cijeloj BiH. Ovo obično uključuje izgradnju raznih puteva, sistema vodosnabdijevanja ili sličnih projekata u kojima lokalne vlasti i građani daju doprinos kroz novčana sredstva i kroz rad.

Utvrđivanje standarda u pružanju usluga – moguće oblasti za partnerstva:

- Administrativne procedure;
- Socijalne mjere i sprovođenje politike;
- Komunalne djelatnosti i infrastruktura;
- Objava informacija i konsultacije;

- Usluge koje pruža ugovorena treća strana.

Administrativne procedure:

Uspostavljanje standarda u administrativnim procedurama predstavlja jasan primjer partnerstva između građana i javnosti, vezano za usluge koje se građanima pružaju u “zgradi općine”, gdje je udruživanje u partnerstvo radi sprovođenja općinskih zadataka i odgovornosti pravno upitno, ako ne i nemoguće (npr. građani ne mogu biti zaduženi za izdavanje izvoda iz matične knjige rođenih).

U ovom slučaju partnerstvo bi se sastojalo od redovnog ispitivanja, ili dobijanja povratne informacije o zadovoljstvu građana općinskim administrativnim procedurama i odgovarajućoj reakciji lokalnih vlasti u poboljšanju standarda u pružanju usluga s ciljem ispunjenja očekivanja građana. Ispitivanje zadovoljstva građana mogu pokrenuti obje strane, a isto važi i za predlaganje mjera za poboljšanje. Međutim, na lokalnim vlastima leži krajnja odgovornost da izmijeni procedure, strukture ili da na neki drugi način ojačaju svoje kapacitete s ciljem prilagođavanja mišljenju i sugestijama građana.

Socijalne mjere i sprovođenje politike:

Uspostavljanje standarda na ovu temu odnosilo bi se na poboljšanje kvaliteta pomoći koju općina pruža bilo kojoj socijalno ugroženoj kategoriji ili poboljšanje kvaliteta pomoći koju općina pruža svojim najznačajnijim institucijama kroz različite vidove podrške (na primjer, dotacija dječijim vrtićima). Reakcija lokalnih vlasti u smislu poboljšanja kvaliteta bi predstavljala korake preduzete nakon dobijanja mišljenja građana kroz istraživanje javnog mnijenja, otvorenog prijedloga ili putem nekog drugog mehanizma. Socijalne mjere mogu da obuhvataju pomoć starim i iznemoglim osobama, djeci, povratnicima, itd.

Komunalne djelatnosti i infrastruktura:

U ovoj potkategoriji, uspostavljanje standarda u pružanju usluga bi značilo regovanje na zahtjeve građana kojima se traži poboljšanje usluga poput odvoza smeća (u smislu učestalosti i vremena odvoza), ulične rasvjete (po bilo kojem pitanju od uvođenja do održavanja), kvaliteta prevoza učenika, itd.

Informisanje i konsultacije

Informisanje i konsultacije su dva termina koja su u širokoj upotrebi. U ovom smislu, poboljšanje u pružanju usluga bi značilo i poboljšanje :

- kvaliteta i kvantiteta informacija koje se prenose građanima,
- mehanizama za informisanje i konsultacije sa građanima, sa naglaskom na učestalost i način komuniciranja.

Promjena u načinu izvještavanja od strane medija čiji je osnivač općina, kako bi se zadovoljile potrebe građana, može se posmatrati kao sastavni dio ukupne težnje ka uspostavljanju standarda u informisanju i konsultacijama.

Uspostavljanje standarda u kvalitetu javnih rasprava o budžetu i njihovoj učestalosti, kao i izvještavanje građana o tim javnim raspravama, predstavlja jedan od jasnih primjera koji se mogu promovirati.

Usluge koje pruža ugovorena treća strana:

Kao što je ranije navedeno, neke teme se mogu javiti u dvije ili više potkategorija, kao što je npr. prevoz učenika, koji potpada i pod “Komunalne djelatnosti”, a i pod “Usluge koje pruža treća ugovorena strana”. Ovdje ključnu tačku predstavlja poboljšanje standarda kroz mjerenje zadovoljstva građana, a potom izmjene budućih tenderskih uslova ili poboljšanje ili poništavanje postojećih ugovora, sve s ciljem zadovoljavanja zahtjeva građana.

V. KRITERIJI ZA POKRETANJE PARTNERSTVA IZMEĐU OPĆINSKIH ORGANA VLASTI I GRAĐANSKOG DRUŠTVA

- Kriteriji za selekciju partnerskih aktivnosti:

Kriteriji za selekciju partnerskih aktivnosti su opći interes i korist za lokalnu zajednicu i građane, ciljevi definisani strateškim planom lokalne zajednice, posebne ili specifične potrebe zajednice ili određene grupe građana.

- Kriteriji za selekciju partnera:

Kriteriji za selekciju partnera su stečeni ugled, kredibilitet, legitimnost i autoritet partnera i posjedovanje njegovog kapaciteta neophodnog za doprinos u realizaciji partnerskih aktivnosti, pouzdanost i posvećenost.

- Procedura za prijavljivanje i selekciju:

Procedura za prijavljivanje i selekciju se zasniva na mehanizmima i procedurama iniciranja partnerstva od neke strane, njihovo prihvatanje i selekcija prijedloga partnerstva.

- Kriteriji za partnerstvo - finansirano ili dobrovoljno:

Kriteriji za partnerstvo mogu se zasnivati na finansiranom ili dobrovoljnom osnovu, u zavisnosti od oblika i prirode aktivnosti i zadataka koji se realizuju kroz partnerstvo.

- Budžet i finansije:

Građansko društvo može i treba imati uticaja na Budžet općinske uprave na osnovu utvrđenih partnerskih aktivnosti uključivanjem pozicije sa predviđenim sredstvima za realizaciju usaglašenih partnerskih aktivnosti na izvršavanju zadataka općinske uprave.

U narednom periodu će se procijeniti zahtjeva li implementacija ove Strategije, tj. provođenje partnerskih aktivnosti posebnu stavku u Budžetu ili će se finansiranje vršiti iz drugih budžetskih stavki, u zavisnosti od oblasti u kojoj se partnerstvo provodi.

VI. TIJELO ZADUŽENO ZA PARTNERSTVO SA GRAĐANIMA

- Zadaci i odgovornosti tijela zaduženog za partnerstvo:

Tijelo zaduženo za partnerstvo je formirano radi uspostavljanja mehanizama institucionalizacije partnerskih odnosa u zajednici i ima za cilj zajedničko djelovanje kroz partnerstvo između općinske uprave i građanskog društva u pripremi i izvršavanju zadataka općinske uprave.

Odgovornost tijela zaduženog za partnerstvo je dosljedno poštivanje partnerskih odnosa u zajednici između općinske uprave i građanskog društva u skladu sa Strategijom partnerstva.

Ovlaštenja tijela za partnerstvo su poduzimanje svih neophodnih aktivnosti u odabiru, pripremi, kreiranju i realizaciji zadataka iz oblasti općinske uprave, koje su obuhvaćene partnerstvom sa građanskim društvom, a u skladu sa Strategijom.

Tijelo zaduženo za partnerstvo u svom radu odlučuje konsenzusom, a u slučaju nemogućnosti postizanja takve odluke ovo tijelo odlučuje većinom ukupnog broja članova. Ovo tijelo je u neophodnoj mjeri uključeno u različite faze projektnog procesa.

Tijelo zaduženo za partnerstvo je stalnog karaktera i njegovi partneri su predstavnici građanskog društva (mjesne zajednice, nevladine organizacije i udruženja građana).

- Sastav tijela zaduženog za partnerstvo:

Tijelo zaduženo za partnerstvo je sastavljena od predstavnika općinske administracije Općinskog Vijeća i građanskog društva, i isti broji sedam (7) članova.

U tijelo zaduženo za partnerstvo općina daje (4) člana koje nominira i imenuje Općinski načelnik, a sastav tijela imenuje i potvrđuje Općinsko vijeće.

Sve organizacije građanskog društva imaju pravo nominovati tri(3) člana tjela za partnerstvo.

Članovi ovog tijela se biraju na period od četiri godine.

Broj:01-02-2396

Goražde,02.06.2008.godine

PRESJEDAVAJUĆI VIJEĆA

Baščelija Smajo, dipl.ing. maš.